



partii naleraq

14.okt 2015

UKA2015/27

Inunnik annertusisamik innarluutilinnut ikiorsiisarneq pillugu FN-ip innarluutillit pisinnaatitaaffii pillugit isumaqatigiissutaanut naapertuunnerusumik Naalakkersuisut iluarsaatamik inatsisilioqqullugit Inatsisartut aalajangiiffigisassaattut siunnersuut, taamaalilluni pisinnaatitaaffiit teknikkigit inatsisinut attuumassutilinnut atuuttussanngorlugit aaqquissuunneqarlutik, allannguut kingusinnerpaamik UPA2017-imi saqqummiunneqassaaq.

(Inatsisartunut ilaasortat, Siumut)

UKA2015/41

Naalagaaffiit Peqatigiit inuit innarluutillit pillugit Isumaqatigiissutaanni pisinnaatitaaffiit siuarsarneqarnissaannut Naalakkersuisut peqquneqarnissaannik Inatsisartuni aalajangiiffigisassatut siunnersuut, tamatumani inatsimmi pineqartunut atuuttumut atuutsinneqalernissaat aammalu suliat ingerlanneqarnerini Naalagaaffiit Peqatigiit inuiat innarluutillit pillugit Isumaqatigiissutaanni Kalaallit Nunaanni atuuttut suliarineqarnerini iliuusissatut pilersaarutitut ilanngullugit suliarineqarnissaat.

(Inatsisartuni eqimattat, Inuit Ataqatigiit)

Inatsisartunut ilaasortat Siumut aammalu eqimattat Inuit ataqatigiit innarluutillit pillugit siunnersuutit saqqummiussippot saqqummiussallu Partii Naleqqamiit oqaaseqarfignissavagut.

Nunatsinni innarluutillit atugaasa isumannaallisaaffigineqarnissaat aammalu sullinneqarnermikkut isumannaatsumik inissisimanissaat pingaartittariaqarippot Partii Naleqqamiit oqaatigissavarput.

Nunatsinni innarluutillit sutigit tamatigit pitsaasumik inuttullu siuariartornissaannut sutigit tamatigit sinaakkusiisoqarnissaa pingaartorujussuusoq ilisimavarput. Peqqinnissaqarfimmi sullinneqarnikkut, kommuninit isumassorneqarnikkut, inissaqartitaanikkut ilinniartitaannikut ilami allatulli tamakkiisumik aamma pisinnaatitaaffeqarluarlutik atugassaqartitaanissaat minnerunngitsumillu aamma isumagineqarluarlutik sulissunneqartarnissat aammalu ilaqaatasut tapersortuarneqarnissaat ilanngullugu sulissutigisariaqarmat.

Nunatsinni innarluutillit sullinneqarnerat ilaatigit ilungersunartorujussuarmik inissisimasartoq oqaatigineqartarpoq pingaartumik sullissinerup pitsaasusaannut kommunit aningaasaqarnikkut inissisimanerat pissutaalluinnartarmat ikiorsigassammi inorsartumik ikiorserneqartarsimasut apuunneqartartut ilungersunartutut isigigatsigit tamannalu toqqissimanartinnagu Partii Naleqqamiit oqaatigerusupparput.

Siunnersuutit marluk saqqummiunneqartut imarisamikkut innarluutilinnut sullissinermi atugassaritaasullu pitsaanerulernissaannik anguniaqarlutik saqqummiussaqaarnerat Partii Naleqqamiit isumaqatigilluinnarpagut,

Innarluutilinnut nunatsinni atugassarititaasut ilungersunarluinnartut pillugit apuussisoqartarpoq aammalu kommunit aningaasaqarnikkut inissisimanerat pitsaanngikkaangat sulii innarluuteqartumut ilaqutaannullu ajornartorsiornartorujussuannngortarlutik taamatullu inissittoqartarnera soorunami Partii Naleqqamiit akuersaannngilarput.

Innarluutillit inuttut pisinnaatitaaffii qulakkerneqartariaqarput aammalu naalagaaffiit peqatigiit aalajangersagaat soorunami akuersissutigineqarsimasut malinneqartariaqarput kommunit namminersorlutillu oqartussanik, pingaartumimmi aamma malittarisassat naalagaaffiit peqatigiit akuerisaat nunatsinnut atuuttussannngortinneqarsimappata.

Inuit ataqqinassuseqaarnerput assigiippoq inoqatigut ikiortariallit ikiorneqassapput aammalu tapersersugassappata ilaqutaat ilanngullugit sullinneqartussaasariaqarput.

Kommunit innarluutilinnik sullissinerit 2011-mi tigummassuk soorunami aamma isumalluarsimavugut innuttaasut ikiorsigassat qanimut sullinneqarnissaat ingerlanneqartussannngormat.

Innarluutilinnut ikiorsiisarnerup inatsisitigut pitsaanerusumik tunngavissinneqarnissaanik siunnersuuteqartut kissaatigisaat Partii Naleqqamiit pissusissamisoortutut isigalugu tamakkiisumik taperserpagut. Aammalu soorunami Naalakkersuisut 2017-mut ukiakkut ataatsimiinnissamut inatsisissamik siunnersuummik saqqummiussaqaarnerat nuannaarutigalugu oqaatigerusupparput.

Neriuppugullu kommunit tigusernerisa kingorna misilittagaalersut aamma ilanngullugit inatsisiliornissami atorneqarumaartut.

Taamatut oqaaseqarluta Partii Naleqqamiit isumaginninnermi ataatsimiititaliami suliarineqarnissaat innersuussutigaarput.

Hans Enoksen